

Экологик марказ раҳбарининг таклифи

Марказий Осиё минтақавий экологик маркази (МOMЭМ)нинг янги тайинланган бажарувчи раҳбари Маҳмудов Зафар Ҳақимович ТИҚХММИга расмий ташриф буюрди. Учрашувда институт раҳбариятидан ректор Ў. Умурзаков, халқаро ҳамкорлик бўйича проректор А. Салоҳиддинов, ЭкоГАТ маркази бошлиғи А. Пулатов, Халқаро ҳамкорлик бўлими бошлиғи Ш. Раҳмонов, MOMЭМ марказий раҳбари З. Маҳмудов, MOMЭМнинг Ўзбекистондаги директори Ш. Умаров, MOMЭМнинг Илмий, лойиҳа ва ресурсларни бошқариш бўлими бошлиғи Ш. Аҳмедов таркибда музокаралар олиб борилди. Нуфузли меҳмон Зафар Ҳақимович иш жараёнида кўп йиллардан бери институтнинг довуғини эшитгани ва ташрифидан фахрланишини таъкидлаб ўтди.



З. Маҳмудов Марказий Осиё давлатларининг сув ресурсларини бошқариш ва экологияни ижобий жиҳатларини ўрганиб бошқа ҳудудларга ҳам тарқатиш MOMЭМнинг вазибаларидан бири эканлигини таъкидлаб ўтди. Институтимиз ректори, аввало, уларнинг MOMЭМнинг раҳбари этиб сайлангани билан табриклади. Бугунги кунгача ҳамкорликда қилинган самарали лойиҳалар, уларнинг талаба, магистрантлар ҳаётида катта ўзгаришлар келтиргани айтиб ўтилди. Шу жумладан, Смарт ватерс лойиҳаси доирасида қолиб бўлган талабалар кўплаб бошқа мусобақаларда совринли иштироки ҳақида батафсил айтилди.

Ректор Ў. Умурзаков сув ва экология бўйича Марказий Осиё талабаларини магистратура босқичини ТИҚХММИда таҳсил олиш нафақат магистрантлар, балки келажак раҳбарлар бўлиб етишиб ўзаро келишган ҳолда сув ва экология муаммоларини баҳамжиҳат тарзда ҳал қилишда қўл келишини таъкидлаб ўтдилар. Шунингдек, ректор Ў. Умурзаков томонидан ТИҚХММИ иқтидорли талабаларнинг сув ва экология бўйича шеърларини китоб қилиб чиқарилаётгани ва бу лирик чекиниш албатта, илмий изланишда билвосита ижобий таъсир кўрсатиши айтиб ўтилди.



Ректор учрашувда 3 (инновацион) ғояни илгари суришди. Биринчиси ҳамкорликда магистратурани жорий этиш, иккинчиси Марказий Осиё профессорлари ўзаро SCOPUSда илмий мақолалар ва изланишлар бажариш ва учинчиси сув ва экология бўйича халқаро олимпиада ўтказиш каби ғоялар илгари сурилди. Шунингдек, учрашув сўнггида эсдалик совғалари улашилди ва фахрий меҳмон сифатида институт эшиклари доим очиқ эканлиги таъкидлаб ўтилди.

Халқаро ҳамкорлик бўлими бошлиғи Ш. Раҳмонов ахбороти

Институт Матбуот котиби Раҳимбой Жуманиёзов